

Na temelju članka 56. Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05) i Odluke Vlade Federacije BiH o usvajanju Programa utroška sredstava-Poboljšavanje društveno-ekonomskog statusa pripadnika braniteljske populacije i očuvanje tekovina domovinskog rata "Tekući transferi neprofitnim organizacijama - Transfer za obilježavanje značajnih datuma", utvrđenog Proračunom Federacije Bosne i Hercegovine za 2026. godinu („Službene novine Federacije BiH“, broj 28/26), Federalno ministarstvo za pitanja branitelja i invalida domovinskog rata/Federalno ministarstvo za pitanja boraca i invalida odbrambeno-oslobodilačkog rata objavljuje:

JAVNI POZIV

za podnošenje prijava za ostvarivanje prava na dodjelu sredstava iz Proračuna Federacije BiH za 2026. godinu – po Programu utroška sredstava – Poboljšavanje društvenog-ekonomskog statusa pripadnika braniteljske populacije i očuvanje tekovina domovinskog rata „Tekući transferi neprofitnim organizacijama - Transfer za obilježavanje značajnih datuma”

I.

Predmet Javnog poziva je sufinansiranje manifestacija povodom obilježavanja značajnih datuma, događaja i ličnosti iz perioda domovinskog rata.

II.

Prijave za sufinansiranje manifestacija povodom obilježavanja značajnih datuma, događaja i ličnosti iz perioda domovinskog rata mogu podnijeti kantonalna ministarstva/uprave nadležne za braniteljsko-invalidsku zaštitu, službe za braniteljska pitanja Brčko distrikta Bosne i Hercegovine, savezi, udruge, i organizacije proizašle iz domovinskog rata, SABNOR, ustanove i fondacije u slučajevima kada federalni ministar učestvuje u organizaciji manifestacije i član je organizacijskog odbora, organizacije Armije R BiH i HVO i MUP-a R BiH koje su registrirane u RS i vjerske institucije koje obilježavaju značajne datume, događaje i ličnosti iz domovinskog rata.

Prijavu je potrebno obrazložiti, u smislu razloga podrške projekata/programa (istorijski, finansijski i sl.). Sredstva će se dodjeljivati na osnovu Javnog poziva, jednokratno.

III.

Pravo učešća po ovom javnom pozivu nemaju podnosioci prijava iz točke II. ovog javnog poziva kojima su u prethodnoj proračunskoj godini odobrena sredstva za iste namjene, a nisu dostavili izvještaj o utrošku sredstava.

IV.

Prijedlog raspodjele i isplate namjenskih sredstava po ovom javnom pozivu vršit će se sukladno kriterijima za odobravanje sredstava za sufinansiranje programa/projekata za obilježavanje značajnih datuma, događaja i ličnosti iz domovinskog rata.

V.

Kriteriji za odobrenje sredstava za sufinansiranje programa/projekata za obilježavanje značajnih datuma, događaja i ličnosti iz domovinskog rata su:

1.) značaj programa za širu društvenu zajednicu državnog i federalnog (iznimno kantonalnog ili općinskog) nivoa;

- 2.) ljudski resurski predviđeni kroz program;
- 3.) vrijednost programa prema projektu i prijavi;
- 4.) učešće vlastitih sredstava;
- 5.) iznos sredstava obezbijeđen iz drugih izvora za aplicirani projekat/program;
- 6.) usvojen plan i program/projekat i izvještaj o obilježavanju značajnih datuma, događaja i ličnosti od strane nadležnih organa podnosioca zahtjeva.

Federalno ministarstvo će na prijedlog Komisije posebnim aktom utvrditi mjerljive podkriterije iz tačke V. (1. – 6.) Javnog poziva.

Sredstva za sufinansiranje manifestacija povodom obilježavanja značajnih datuma, događaja i ličnosti iz perioda domovinskog rata odobravat će se pravnim osobama i to: kantonalnim ministarstvima/upravama nadležnim za braniteljsko-invalidsku zaštitu, službama za braniteljska pitanja domovinskog rata, SABNOR, savezima, ustanovama i fondacijama u slučajevima kada federalni ministar učestvuje u organizaciji manifestacija i član je upravnog odbora, udrugama, organizacijama Armije R BiH, HVO i MUP-u R BiH koje su registrirane u RS i vjerske institucije koje obilježavaju značajne datume, događaje i ličnosti iz domovinskog rata, u ukupnom iznosu od **420.000,00 KM (slovima: četiristotinedvadesettisuća i 00/100 KM)**.

VI.

Prijave po Javnom pozivu za odabir programa/projekata iz oblasti boračko-invalidske zaštite u 2026. godini, iz tačke II. ovog javnog poziva, podnose se Federalnom ministarstvu za pitanja boraca i invalida odbrambeno-oslobodilačkog rata/Federalnom ministarstvu za pitanja branitelja i invalida domovinskog rata (u daljem tekstu: Federalno ministarstvo), na adresu: Hamdije Čemerlića br. 2, 71000 Sarajevo, sa naznakom Javni poziv za podnošenje prijave za ostvarivanje prava na dodjelu sredstava iz Proračuna Federacije BiH za 2026. godinu – po Programu utroška sredstava – Poboljšavanje društvenog-ekonomskog statusa pripadnika braniteljske populacije i očuvanje tekovina domovinskog rata „Tekući transferi neprofitnim organizacijama - Transfer za obilježavanje značajnih datuma”.

Prijave će se podnositi Federalnom ministarstvu u roku od 15 dana od dana objavljivanja Javnog poziva u dnevnim novinama i na web stranici ministarstva.

VII.

Obavijest o Javnom pozivu će biti objavljena u dnevnim novinama a integralni tekst Javnog poziva na službenoj web stranici ministarstva: www.fmbi.gov.ba.

Aplikacioni formulari će biti objavljeni i mogu se preuzeti sa web stranice Ministarstva (www.fmbi.gov.ba).

Nepotpune i neblagovremene prijave i programi neće se uzimati u razmatranje.

Federalno ministarstvo nema obavezu vraćati predatu dokumentaciju aplikantima.

VIII.

Prijava na javni poziv vrši se uz dostavljanje sljedeće dokumentacije (**original ili ovjerene kopije**):

1. Aplikacioni formular (prijava, obrazac 1, obrazac 2);
2. Rješenje o registraciji;
3. Uvjerenje o poreznoj registraciji (identifikacioni broj);
4. Ugovor s bankom ili potvrda od banke iz koje se vidi ko je vlasnik transakcijskog/tekućeg računa;
5. Detaljno opisan projekat ili program za koji se traži sufinansiranje;
6. Finansijski plan projekta ili programa za 2026. godinu s izvorima prihoda i očekivanim rashodima koji je usvojen na skupštini/saboru;
7. Izjavu da je dostavljen izvještaj o utrošku sredstava za projekte/programme koji su dobili finansijsku podršku ovog ministarstva u 2025. godini.
8. Potvrda o sufinansiranju programa/projekata (niži nivoi organiziranja, općinske i kantonalne organizacije, savezi, udruge), pored navedene dokumentacije dostavljaju dokaz o sufinansiranju

navedenog programa od strane višeg organa - kanton, kantonalne organizacije, federalni savezi, organizacije, udruge, ustanove i fondacije u slučajevima kada federalni ministar učestvuje u organizaciji manifestacije i član je organizacionog odbora ukoliko se program/projekat sufinansira od strane navedenih organa.

MINISTAR

Nedžad Lokmić



Broj: 01-37/2 -1092/26
Sarajevo, 21.04.2026. godine